

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ

*Komisija za izbor i imenovanje/  
Povjerenstvo za izbor i imenovanje*

*Комисија за избор и именовање*

Broj: 01/6-02-560/26-1  
Sarajevo, 11. 2. 2026. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 03-03-2026			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BOSNE I HERCEGOVINE**

Komisija za izbor i imenovanje Predstavničkog doma Parlamenta Federacije Bosne i Hercegovine na 18. sjednici, održanoj 11. 2. 2026. godine, razmatrala je sljedeći:

#### DNEVNI RED

- 1. Razmatranje Prijedloga za razrješenje predsjedavajućeg Predstavničkog doma Parlamenta Federacije BiH, broj: 01-02-304/26 od 16. 1. 2026. godine, predlagači: Klub zastupnika HDZ BiH-HNS, Klub zastupnika HDZ 1990-HNP, zastupnici Mario Karamatić i Slaven Raguž.**
- 2. Tekuća pitanja.**

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi sljedeći:

#### IZVJEŠTAJ

**AD-1 Razmatranje Prijedloga za razrješenje predsjedavajućeg Predstavničkog doma Parlamenta Federacije BiH, broj: 01-02-304/26 od 16. 1. 2026. godine, predlagači: Klub zastupnika HDZ BiH-HNS, Klub zastupnika HDZ 1990-HNP, zastupnici Mario Karamatić i Slaven Raguž.**

U uvodnim napomenama o ovoj tački dnevnog reda predsjednik Komisije gosp. Mladen Bošković upoznao je sve prisutne da su Klub zastupnika HDZ BiH-HNS, Klub zastupnika HDZ 1990-HNP te zastupnici Mario Karamatić i Slaven Raguž 16. 1. 2026. godine podnijeli Prijedlog za razrješenje predsjedavajućeg Predstavničkog doma

Parlamenta Federacije BiH, koji je upućen Komisiji za izbor i imenovanje (u prilogu izvještaja: Prijedlog za razrješenje). Također je konstatovao da je prijedlog podnesen od ovlaštenih predlagača na osnovu čl. 38. st. 3, 131. i 152. Poslovnika Predstavničkog doma Parlamenta FBiH ("Službene novine Federacije BiH", br.: 69/07, 2/08, 26/20 i 13/24) te obrazložio razloge za podnošenje.

Predsjednici klubova zastupnika HDZ BiH-HNS, HDZ 1990-HNP te zastupnici Mario Karamatić i Slaven Raguž u prijedlogu za razrješenje predsjedavajućeg Predstavničkog doma Parlamenta Federacije Bosne i Hercegovine istakli su da je na osnovu javnih istupa i ukupnog političkog djelovanja predsjedavajućeg utvrđeno da je došlo do gubitka političkog povjerenja, što predstavlja osnovni razlog za razrješenje, u skladu sa Ustavom Federacije BiH i Poslovníkom Predstavničkog doma. Izjave predsjedavajućeg Predstavničkog doma, kao nosioca jedne od najviših javnih funkcija u Federaciji Bosne i Hercegovine, imaju posebnu težinu i odgovornost, naročito imajući u vidu činjenicu da predsjedavajući predstavlja zakonodavnu vlast u Federaciji BiH. Funkcija predsjedavajućeg Predstavničkog doma podrazumijeva posebnu političku odgovornost, nepristrasnost i korektnost te obavezu očuvanja ugleda Predstavničkog doma kao najvišeg zakonodavnog organa u Federaciji Bosne i Hercegovine. U svakom demokratskom društvu nosioci javnih funkcija imaju obavezu političke i moralne odgovornosti, što u ovakvim okolnostima podrazumijeva podnošenje ostavke ili razrješenje s dužnosti.

Na koncu svoga zahtjeva posebno su naglasili da je njihova dužnost štititi zajednički javni prostor od govora mržnje i raditi na pomirenju, koje je jedini put ka stabilnoj i evropskoj budućnosti Bosne i Hercegovine.

U diskusiji o ovom prijedlogu, nakon uvodnog izlaganja predsjednika Boškovića koji je ujedno govorio i u ime ovlaštenih predlagača, učestvovali su: Dajana Frlić, Petar Galić, Asim Kamber, Elzina Pirić, Goran Opsenica i Senad Subašić.

Svi učesnici u diskusiji su u svojim istupima iskazali žaljenje što predsjedavajući Mioković, član Komisije za izbor i imenovanje, nije došao na današnju sjednicu.

Nakon završene diskusije o ovoj tački dnevnog reda predsjednik Komisije za izbor i imenovanje pročitao je sljedeći tekst **Prijedloga odluke o razrješenju predsjedavajućeg Predstavničkog doma PFBiH, koji glasi:**

Prijedlog

Na osnovu odredbi 38., 131. i 152. Poslovnika Predstavničkog doma Parlamenta Federacije Bosne i Hercegovine, kojima je propisano da Predstavnički dom bira i razrješava predsjedavajućeg i potpredsjedavajućeg, Predstavnički dom Parlamenta Federacije Bosne i Hercegovine, na sjednici održanoj dana \_\_\_\_\_, donio je

**ODLUKU  
O RAZRJEŠENJU PREDSJEDAVAJUĆEG PREDSTAVNIČKOG DOMA  
PARLAMENTA FEDERACIJE BOSNE I HERCEGOVINE**

**I.**

Razrješava se dužnosti predsjedavajućeg Predstavničkog doma Parlamenta Federacije Bosne i Hercegovine Dragan Mioković, izabran odlukom Predstavničkog doma Parlamenta Federacije Bosne i Hercegovine.

**II.**

Danom stupanja na snagu ove odluke, ovlaštenja i poslove predsjedavajućeg, privremeno do izbora predsjedavajućeg, u skladu s dogovorom potpredsjedavajućih, obavlja jedan od potpredsjedavajućih.

**III.**

Ova odluka stupa na snagu danom donošenja, a bit će objavljena u "Službenim novinama Federacije BiH".

PD PFBiH broj: 01-02- /26

\_\_\_\_\_2026. godine

Sarajevo

**POTPREDSJEDAVAJUĆI/A  
PREDSTAVNIČKOG DOMA  
PARLAMENTA FEDERACIJE BiH**

\_\_\_\_\_


Predsjednik Komisije za izbor i imenovanje gosp. Bošković stavio je na glasanje ovakav Prijedlog odluke.

Od prisutnih sedam članova Komisije, četiri člana su bila za, niko protiv, dok je troje članova bilo suzdržano, te konstatirao da Prijedlog odluke nije dobio potrebnu većinu.

Za izvjestioca na sjednici Predstavničkog doma u skladu sa članom 53. predložen je Mladen Bošković, predsjednik Komisije za izbor i imenovanje.

**PREDSJEDNIK KOMISIJE**

**Dr. Mladen Bošković**



**Bosna i Hercegovina**  
**Federacija Bosne i Hercegovine**  
**Zastupnički dom Parlamenta Federacije BiH**  
**Klub zastupnika HDZ BiH – HNS**  
**Klub zastupnika HDZ 1990 – HNP**  
**Mario Karamatić - zastupnik**  
**Slaven Raguž - zastupnik**

Sarajevo, 16.01.2025. godine

Predstavnički dom Parlamenta Federacije BiH  
n/r predsjedavajućeg Dragana Miokovića

Stručna služba Predstavničkog doma Parlamenta Federacije BiH  
n/r sekretara Ivana Miličevića

Predstavnički dom Parlamenta Federacije BiH  
Komisija za izbor i imenovanje  
n/r predsjednika i sekretara komisije

**PREDMET: Prijedlog za razrješenje predsjedavajućeg Predstavničkog doma Parlamenta Federacije BiH**

Poštovani,

U skladu s članom 38. stav (3), članom 131. i članom 152. Poslovnika Predstavničkog doma Parlamenta Federacije BiH („Službene novine Federacije BiH“, broj 69/07, 02/08, 26/20 i 13/24) dostavljamo prijedlog za razrješenje predsjedavajućeg Predstavničkog doma Parlamenta Federacije BiH.

### Obrazloženje

Temeljem javnih istupa i ukupnog političkog djelovanja predsjedavajućeg, utvrđeno je da je došlo do gubitka političkog povjerenja, što predstavlja temeljni razlog za razrješenje, u skladu s Ustavom Federacije BiH i Poslovníkom Predstavničkog doma.

Izjave predsjedavajućeg Predstavničkog doma, kao nositelja jedne od najviših javnih funkcija u Federaciji Bosne i Hercegovine, imaju posebnu težinu i odgovornost, osobito imajući u vidu da predsjedavajući predstavlja zakonodavnu vlast Federacije BiH. Dužnost predsjedavajućeg Predstavničkog doma podrazumijeva osobitu političku odgovornost, nepristranost i korektnost, te obavezu očuvanja ugleda Predstavničkog doma kao najvišeg zakonodavnog organa u Federaciji Bosne i Hercegovine.

Bosna i Hercegovina  
Federacija Bosne i Hercegovine

PARLAMENTI FEDERACIJE  
SARAJEVO

Prijeto: 16-01-2025			
Broj	Priloga	Vrijednost	
01	-02-	304	/26
01/6			

U svakom demokratskom društvu nosioci javnih funkcija imaju obavezu političke i moralne odgovornosti što u ovakvim okolnostima podrazumijeva podnošenje ostavke ili razrješenje s dužnosti.

Naša dužnost je štititi zajednički javni prostor od govora mržnje i raditi na pomirenju koje je jedini put ka stabilnoj i evropskoj budućnosti Bosne i Hercegovine.

Klubovi zastupnika:

PREDSJEDNIK KLUBA HDZ BIH – HNS

PREDSJEDNIK KLUBA HDZ 1990 - HNP

\_\_\_\_\_  
Dr. Mladen Bošković s.r.

\_\_\_\_\_  
Stipe Tokić, s.r.

Zastupnici:

\_\_\_\_\_  
Mario Karamatić - HSS, s.r.

\_\_\_\_\_  
Slaven Raguž – HRS, s.r.